



KOMUNIKADO PA PRENSA

Fecha

27 ougùstùs 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA HUNTU KU DOMEINBEHEER TA INISIÁ PROYEKTO PA 500 BIBIENDA PA KOMUNIDAT

Willemstad – Djamars 27 di ougùstùs, Domeinbeheer huntu ku Minister di Tráfiko, Transporte i Planifikashon Urbano Sr. Earl Balborda i Eigen Woning Plan N.V. (EWP) a firma un dekreto di intenshon (Letter of Intent) pa bai negoshá un proyekto den kual lo konstruí 500 bibienda pa komunidat den 4 aña. Personanan ku ta riba lista di espera di Domeinbeheer pa un kas ta esnan promé pa bini na remarke pa kompra di e kasnan aki.

Dia 12 di sèptèmber di aña 1997 a krea pa promé biaha un forma nobo di koperashon entre Gobièrnu di Teritorio Insular di Kòrsou i sektor priva aki na Kòrsou. Riba e fecha aki gobièrnu a firma un akuerdo ku EWP pa desaroyá tres (3) área den un forma di Public Private Partnership (PPP).

E promé proyekto den kuadro di PPP ku a wòrdu realisá tabata Sapaté Sùit. E proyekto aki ta konsistí di 330 kas. Despues a sigui ku e proyekto na Mahuma Sùit (45 kas). Por último EWP a desaroyá Brakkeput Mei Mei ku 200 kas. Aktualmente EWP ta desaroyando nan di 4 proyekto ku ta Montaña Abou ku ta konsistí di 85 kas.

Mirando e bon eksperensia, kalidat, konfiabilidat ku EWP a demostrá den e temporada largu aki, a disidí huntu di sigui ku e relashon di trabou ku EWP i konhuntamente firma e dekreto di intenshon aki pa bai desaroyá 500 kas mas den e próksimo 4 añanan.

Gobièrnu di Kòrsou a sera laso ku sektor priva, den un sistema di PPP (Public Private Partnership). Esaki ta enserá ku gobièrnu huntu ku e partner priva ta desaroyá tereno i konstruí kas pa klase medio. Gobièrnu ta partisipá ku tereno i e partner priva ta pone infrastruktura i ta traha e kasnan.

Proyektonan di e magnitud aki ta krea kuponan di trabou pa nos yunan di tera i ta stimulá desaroyo di nos ekonomia. Nos ta bibando den un tempu difísil ku hopi medida, pero apesar di esaki tòg gobièrnu ta hasi tur posibel pa kontribuí na adelanto di nos pais.

Pueblo di Kòrsou por sigui tur último desaroyonan di Minister di Tráfiko, Transporte i Planifikashon Urbano via di su página di facebook 'Earl W. Balborda, Minister VVRP' i sigui desaroyonan di EWP via di www.eigenwoningplan.com".